



# Hmasawna Thar

( A N I N D E P E N D E N T D A I L Y N E W S P A P E R )

Regd. No. RNI - 40917/89 | Postal Regd. No. MNP - 67

**Daily & Direct Service**

**JIRIBAM / HMARKHAWLIEN**

C/o Babita # 9862129273

**Contact Numbers pawimaw :**  
 DC/CCPur : 03874-234234  
 SP/CCPur : 03874-236747  
 Police Station : 03874-202248  
 SP Control Room: 03874-233239  
 Dist. Hospital Casualty : 03874-233370  
 Fire Brigade : 8974 147 799/  
 8258 057 887 / 8974 103 600

Hmasawna Thar Vol - 32/182

Churachandpur

email : hmasawnatharnews@yahoo.com

Phone: +91-3874-236846

Rs 6/- per copy

## Kumkhat liemta sungin CCPur-ah HIV positive 157 hmudawk an nih



**CCPUR:** Churachandpur district-a chun April, 2016 a inthawk March, 2017 (2016-17) sung khan mi 6957 hai thisen laa enfel a ni hunah HIV Positive 157 hmusok an nih tiin T. Benjamin, District Supervisor, DAPCU in zanita DAPCU Office-a tuolsung chanchinbu reporter hai an hmupui naa CCPur District-ah HIV/AIDS chunghua annual report a pek huna a hril.

T. Benjamin in a hril peinaa chun, mi 147 ART an in registered a, mi 60 in ART damdawi an fak tan a, midang 10 hai chu Department in an hnung suizui thei a neinaw leiin paw a ti thu a hril a. Naupai ANC mi 6126 hai thisen test a ni hunah HIV positive 70 hmu an ni a, hieng hai lai hin an naupai sung tha taka damdawi an fak leiin naupai 69 hai chun tha le dam takin nau an nei a, pakhat chun a naupai sung damdawi a fak thanaw leiin a naute a thi a. Injecting Drugs User (IDU)

## Helpawl ni dinga ringhla han Oil Tankers silaiin an kap; CM in venghimna sukkhau ni dinga an tiem leiin Ceasework Strike thaw tum an thul

**IMPHAL:**Zani zing dar 5:45 vel khan Kuki helpawl ni dinga ringhla han Kangpokpi area sungah Dimapur-a inthawk Imphal tieng pana hung tlan Oil Tankers hai an lo kap a, Oil Tankers pahni MN01 44 0402 le MN053 0473 hai an kap fuk a, vangeithlak takin a puok naw a, thautui a te ringawt chau leiin sietna a tlung nawh. Oil Tankers escort-tu CRPF pawl chun helpawl hai hi an kap let ve a, ramhnuoiah an tlan hmang. Hi thil le inzawm hin CM N.Biren Singh chun zani zingkar khan a Cabinet Minister-hai meeting a neipui nghal a, National Highway haih venghimna sinthaw dan an ennawm a, venghimna sin sukkhau zuol tha an titlang. Tuta hma deu khan



State sawrkar chun National Highway haih IRB le Naga hnam sunga pawl hnan hnan an dodal thu an puonglak a nih.

Oil Tankers hai silaia kap an ni le inzawm hin All Manipur Petroleum

Products Transporters Association and All Manipur Petroleum Drivers Association chun tiemchin um lova ceasework strike thaw an tum a, sienkhawm

Manipur Chief Minister Nongthombam Biren Singh in National Highway haih venghimna sin khaa lema thaw le highway-a tlan motor hai venghimna pek an ni ding thu a tiem leiin ceasework strike thaw an tum chu an thul nawk tha.

Hieng pawl pahni hai chun silaia lo kaptu hai an phutaw hremna pe dingin an ngen a, hi le inzawm hin CM N. Biren Singh chun a lo kapthu hai man tumin state force le Paramilitary security personnel han thangruol-in dappui nasa taka an thaw ta thu, Oil tanker lo kaptu hai chu ni 15 sunga man le dan anga hremna pek an ni ding thu hieng pawl pahni thuoitu han zanita Chief Minister's Office-a CM N. Biren Singh an an inhmupui huna CM in a lo tiem

Transport Association palai hai chun CM an inhmupui huna hin an harsatna hnan hnan hai tuok hai khawm an CM kuomah an intlun a, CM chun an duty huna thina le hliemna tuok compensation pek lova la um hai khawm pek an ni ding thu a lo tiem bawk a nih.

Transporters pawl pahni thuoitu han CM an inhmupui huna hin CAF and PD Minister Shri Karam Shyam, Parliamentary Secretary (Home) Shri L. Sushindro Meitei, Parliamentary Secretary (RD& PR) Shri Heikham Dingo Singh, Addl. Chief Secretary (Home) Shri Suresh Babu, DGP Shri L.M. Khaute hai bakah civil le police top officials hai khawm an thang.

## Trade Licence renew thei hun suksei

**CCPUR:** Autonomous District Council (ADC), CCPur hnuoia Trade Licence tum tum sukthar (renew) thaw thei hun chu May 31, 2017 chena dinga suksei a nih. CCPur district sunga dawrkai han Town Office, CCPur-ah Licence hi renew thaw thei ning a ta, hun pel hnung chun late fee Rs. 50/- peksa a tul ta ding a nih tiin Soimleng Lengem, CEO, ADCC thusuok chun a hril.

## Ni 5 sung aw ding State Level Shirui Lily Festival



**IMPHAL:** Manipur sawrkar huohawtnain May 16-20, 2017 inkar sung khin State Level Shirui Lily Festival hmasa tak Shirui Village, Ukhrul-ah nei ning a tih. Kum 1948 a kha Shirui Lily(Lilium mackliniae) hi British mi Frank Kingdom Ward in a lo hmusok a nih. Shirui Lily hi May le June thla haia Shirui tlang chau a parvul hlak a nih. Kum 1989 a kha Manipur sawrkarin State Flower-a a lo puong ta a nih.

2017 Organising Committee Meeting nei a ni a, hi huna hin Shirui Lily Festival hmang dan ding rel a nih. Opening Festival chu IFAD Ground, Shirui village-ah nei ning a ta, Closing Festival chu Tanglekhul Naga Long Ground, Ukhrul-ah nei ning a tih. Hi kut hlawtling theina dingin Programme Sub-Committee, Cultural Sub-Committee le Transport Sub-Committee hai indin a nih. Manipur chun khawvel danga um lo le thil danglam pathum a nei a. Sangai le Manipur Polo Festival hai chu nei a lo nita hlak a, Shirui Lily Festival hi nei a awm hlein ka hriet tiin CM N.Biren Singh chun a hril.

## Solar Energy an inthawk power M/W 1,00,000



**IMPHAL:** Manipur sawrkar chun Solar energy a inthawk power M/W 1,00,000 siemsuok dingin target a nei a, thuin solar energy hmangin power M/W 105 siemsuok tumin hma a lak tan. National Hydroelectricity Power Co-operation chun Solar power plant 50 M/W indin a nuom a, hi solar power plant hi Yaithabi Loukon, Thoubal District a indin dinga riruung a nih tiin O.Nabakishor Singh, Chief Secretary, Manipur chun zanita Imphal-a chanchinbuhai an hmupui huna a hril.

## 25-AR han hmangruo tum tum an pek

**CCPUR:** 25 Assam Rifles pawl chun zanikhan Malsawm Ability Resource Centre (MARC), Pearsonmun -ah The Malsawm Initiative (TMI) a kai student le staff hai hmang dingin hmangruo chi tum tum inhanna an nei.



Krishan inrawinain personnel iemanizat an thang. Assam Rifles pawl hin Electric um nawna hmuna

Assam Rifles hin Assam Rifles CAP hnuoia kum 2015-17 a dinga inchukna hmangruo tum tum hai hi an pek a ni a, hmangruo hai inhanna hin AR a inthawk Major Radha

## HMARTOB in lawmthu a hril

**CCPUR:** Hmar martyrs hai ralna dinga kha tina V/A hai fethelga In tina ralna Rs. 50/- pei pek dinga inhrietirna siem a ni anga lo petu hai le pelut tak khaa hai chunga HMARTOB chun lawmthu a hril a. Chu laizang chun Hmar Martyrs hi ralna dinga ti a ni leiin Job Card nei chau kat ding ni loin Hmar khaw tina In tina

## Zu siemna ding iemanizat an man



**CCPUR:** Churachandpur district Police hnuoia Drugs Cell pawl chun zani zantieng 3:00PM vel kham Torbung-ah Zu-a siem dinga in up, bufai le zu suongna hmangruo thahnem-tawktak le local Zu iemanizat an zu man.

a siem ding bu tin 65, local zu lire 125 bakah Chawl (Yeast cake) kg. 6 a thang a, a reng hin Police Station-ah an hung phurtlung hnungin Excise Department kutah an inhlan.

SP, CCPur chun District sunga Zu le inruithi chi tum tum laka district fihlim theina dingin Drive Against Drug, Alcohol, Waste ti Drive an din a, an khat tawkin hmun hnan hnan an lo dap ta hlak bakah tuta hma met kha New Bazar area ah Zu zawna dawr hai dapin Bus parking-a gambling inkhel hai khawm an lo inthiefai ta a nih.

## SIUM first semester exam result

**CCPUR:** Sangai International University Manipur (SIUM), Rengkai Road, CCPur-a 2016-17 First Semester exam result chu April 17, 2017 khan puong a ni ta, Bachelor le Master inchuk han office kai hun sungin Administrative Office-ah ngaiwen thei a nih.

## 2-Day Seminar a um ding

**CCPUR:** April 19-20, 2017 inkar sung hin North Eastern Council (NEC), Shillong sponsored-nain Rayburn College, New Lamka, CCPur hmuna "Two Day National Seminar on Protection of Forest for Sustainable Development in Manipur" um a tih. Seminar hawngna vawisun 9:30AM hin Rayburn College Auditorium, New Lamka, CCPur hmuna hmang ning a ta, hi huna hin V. Hangkhanlian, (Minister, Agri. Vety & AH) thang a ta, Prof. Adya Prasad Pandey, Vice Chancellor, Manipur University, Imphal; Prof. Dr N. Mohendro Singh, former member, Steering Committee NER Vision, 2020, DONGER, Govt. of India, Academic Advisor, Rayburn College le Rev. Dr Khen P. Tombing, Principal, Rayburn College hai Guest of honour, chief host le functional president in thang tawl an tih.

## HSA in CCPur District MLAs hai lawmpuina

**CCPUR/IMPHAL:** Hmar Students Association, State Coordinating Committee, Manipur chun an Coordinator Lal Robul Pudaite le Secretary Malsawmthang Ralsun hai inrawinain 11th Manipur Legislative Assembly Election, 2017 neizo himah Churachandpur district-a inthawk MLA dinga thlangtling 6

Mr Rakesh Balwal, IPS, SP, CCPur thupek dungzuia Drugs Cell pawlin Kaprang khaw bula Torbung ramsung a Waikhurok hmuna dappui an va thawnaah hieng thil hai hi an dapdawk a ni a, an thil dapdawk le man hai lai hin Zu

HSA thuoitu hai chun MLAs hai chu thlierbiek nei loa mipuin an aiawtu dinga an thlangtling an nina anga inthuruol taka mipui ta dinga sin thaw dingin an ngen tawl.

State Coordinating Committee-HSA, Manipur hnuoia hin HSA CCPur JHQ, HSA Imphal JHQ le HSA Jiri-Vangai JHQ hai an um a nih.

**GAS NEWS**

Agency : SAS  
 Booking : 15th JAN., 2017 to 15th FEB., 2017  
 Delivery: 19-04-2017 (WED)  
 Time : 8AM-till stock  
 STOCK : 306  
 Rate: Rs. 884

## KIC in cabinet expansion neiin tribe tum tum 23 a mi an laklut

**CCPUR:** Kuki Inipi Churachandpur (KIC) chun April 11, 2017 nia thuoitu thar ding thlangna an nei zoin zanikhan KIC Administrative Office, Tuibong-ah Cabinet expansion thawin intiemkama an nei tawl. Lalkhoah Chongloi, General Secretary, KIC chun thlangtlinga um hai inhmehrietirna le cabinet member dinga laklut thar hai inhmehrietirna a nei a. Khamliankhup Zou, General Secretary, Kuki Inipi Manipur a laklut thar hai intiemkama an neitir a, Rev. Dr Nguljathang Khongsai in tawngtaipekna a nei. Outgoing president Thangjang Haokip in thuhirlna hun a hmang a, -sunzawmna page 2-ah

## Cooperation Minister Khuollienin



**IMPHAL:** NCUI, New Delhi sponsored-na hnuoiah zanikhan G.M.Hall, Imphal-ah One Day state Level Seminar on "Sustainable Development of Manipur State through Cooperatives" nei a ni a, hi seminar a hin Cooperation & Social

## AR Ex-servicemen rally April 22-ah

**IMPHAL:** Assam Rifles chun April 22, 2017 khin Mantripukhri hmuna 'We Connect We Care' ti thupui hmangin Ex-servicemen rally hi Veer Naris, Widows le Veterans hai chawimawina le hamthat-na tum tum dawng thei hai hrilhrietna dinga buotsai tum a nih. Hi huna hin Maj Gen Virendra Singh, VSM, IGAR (South) khuollienin

thang a tih. Rally huna hin state department tum tum han Stalls an hawng ding bakah DGAR chun harsatna nei hai ta ding complaint pek theina an harsatna inthun theina ding hawng bawk a ta, Assam Rifles ESM, Veer Naris, Widows le dependents 1000 vel an thang beisei a nih tiin zanita PRO Assam Rifles thusuok chun a hril.

**VAWISUN THUPUI**

Nangnin in mi thlang naw a, keiin ka thlang lem cheuva, va ra ding le in ra um zing ding in ka ruot bawk cheu a nih; ka hminga Pa kuoma in hni taphawt a pekna ding cheuvin. - *Johan 15:16*

**Editorial**  
**Sawrkar nghet**

Churachandpur District a 60 – Singngat Assembly Constituency a Indian National Congress (INC) ticket a thlangting Ginsuanhau le ADC, Chandel a an Chairman Lhukhosei Zou thangsaa MDCs 14 han an umna Congress Party suoksana BJP an zawm chu BJP ta ding chun thil tha le thu lawmum a nih. Congress Party ta ding ruok chun kienna le hnungtawlna a ni leiin lawm a um naw hle ring a um. Politics thila ding chun hi thil lung hi a mak naw a, thil um thei le State dang haia khawm a lo tung ta hlak a nih. Tuchen hin chu Manipur a BJP thuoina hnuoia coalition sawrkar chun thlawptu member (MLA) pungna tiengpangah hma a sawn hret hret pei a, thlawptu members 34 an nei ta a nih. An beisei le an hril anga thil a hung fe pei chun thlawptu member hi an la nei belsei pei ding niawm tak a nih. Congress Party chun an beramhai an vengzo naw deu niin an lang.

Congress party in Th. Shyamkumar Singh chu disqualify ding an nawr lai mekin Ginsuanhau in Congress Party suoksanan BJP a hung thlawp nawk a, Congress Party lungril a suk na hle ring a um. Hi lei hin Congress party suoksana BJP zawm MLAs pahnihai Anti-defection Law dungzuia disqualify ding an nawrna chu an hung suk zaul sau sau ring a um. Disqualify ding an nawrna hi ngaisak le suk puitling vat a ninaw chun Court-ah an zuolk ding thu chen MPCC President chun a lo puonglang ta a nih. A hmaa thil fed an hai ei hang thlikir chun disqualify chungchangan hin Court case a fe ringna chin a um. Court case tul lova thil a fe ruok chun, Congress party suoksana a BJP zawm MLAs pahni hai hi disqualify hung ning an ta, an tlingna biel pahni haiah byelection a hung um el ding a nih.

Court case hi rel fel ngal a ni ngai naw a, hun a lak sawt hlak. Court case-a thil a hung fe a ni chun hun iemani chen chu ngah a ngai ding a nih. Hieng a ni lei hin tuta BJP thuoina hnuoia coalition sawrkarah hin Th. Shyamkumar hin minister sin chu iemani chen chu a la chel zawm pei thei ding a nih. Hieng ang bawk hin Ginsuanhau khawm hun iemani chen chu BJP MLA chu a la ni hman ding a nih. Hun hlak chu a liem pei a, Court case a thil a lo fe a lo ni khawma hun a lak sawt ding a ni a. 11th Manipur Legislative Assembly term hun sung hin Court in thutlukna a siem hman dim? Thutlukna a siem hman naw chun disqualify lo khawma an term hi hmangzo theina chance khawm an nei thei niin an lang.

Zani hmasaa BJP in Ginsuanhau an party-a an lawmlutna inkhawma khan CM N. Biren Singh chun Health and Education Minister L. Jayanta Kumar chungthu chu chingfel a ni ta thu le Congress MLA thenkhat in BJP an la hung zawm belsei el thei tiin a hril a. hi thu hi thudik a ni a, Congress MLA thenkhatin BJP an la zawm sa pei lem chun BJP thuoina hnuoia coalition sawrkar ngirhmun chu a la hung tha pei el thei. Politics a hin chu thil ni thei lo tak tak hi a um naw a, thil ni thei lo dinga inlang khawm a hung ni thei a, thil awm lo le thil mak ei ti hai khawm a hung tung hlak. Hienganga politics thil inlumlet vel lei hin Arunachal Pradesh CM hlui pakhat khawm a chengna Chief Minister Bungalow sungah an khai hlum a ni kha!

Th. Shyamkumar le Ginsuanhau hai hin disqualify khawm tuokhai sienla an tlingna biel haia hint ling nawk thei (by-election-ah) an inbeisei leia huosen taka BJP zawm dinga thutlukna an siem ngam a ni el thei. Byelection hung um ta ang sienla, BJP ticket chang ngai an ta, BJP chu state a rorelna le sawrkar chel lai an ni leiin tlingnawk chu an ta dingin beisei chu a um tho a nih. Selkaltu pawla um nek chun sawrkarna cheltu tienga thang chu umzie a nei dinga an ring tlat leia disqualify a khawm pawitina nei lova an ngam hle khawm thil ni thei a nih.

Iengpo khawm ni sienla ei ram le a mipui chum sawrkar nghet, sawrkar hrat le thil thaw thei ei mamaw a. coalition sawrkar hin veng ding a hau hlak a, a thaw nuom khawm thaw thei lovin a um pha hlak a. hi lei hin sawrkar nghet ei nei thei tak tak dim ti ruok hi chu ngaituo a um khawp el. Manipur ministry chanchin ei hang thlikir a, Political Party hran hran inzawm khawma coalition sawrkar siema lo um ta hai popo term khat phurzo an la um meu naw ti thein a um. Tuta BJP thuoina hnuoia Manipur coalition Government hi Congress le Independent tiemsa-in Party hran hran 7 lai an ni a, tuong takin an term an hmang tuon suok zo dim ti chu ngaituo tham chu a tling tho chu a nih. India rama state 29 um hai laia President Rule um tamna tak chu Manipur a nih. Sawrkar nghet a um theinaw pha pha leh President Rule hi a hung um hlak a nih. President Rule ei pumpel theina ding chun sawrkar nghet ei mamaw a nih.

**Editorial Board**  
**Lalmalsawm Sellate:** Editor & Publisher  
**Roding L. Sellate:** Jt. Editor  
**Ramdutum @ Rama Ralsun:** Asst. Editor  
**Lalsansuok Pulamte & Samuel Zothanglien@SZ Zote:** Sports  
**Joseph Joute:** Freelance  
**Lalruotlien Dulien:** Computer Assistant  
*Edited & Published by Lalmalsawm Sellate at HT Office, Lighthouse Lane, Churachandpur and Printed by him at Lamka Super Printer, Vengnuam, Hiangtam Lamka, CCPur, Manipur.*

**DAM HUOIN KAN HRIET**

**-By: Lalringlien Hmar**

Hmasawna Thar tarik 12-4-2017 nia suoka khan Manmasi Cable Network chun Hmar Channel a hrana peksuok a tuma, tuta inthawka thla khat hnungin Hmar Channel umna phuisui deu taka thaw tum a ni thu le Tuihaphai biel pumpui huopa peksuok tum a ni thu Pu Isaac L. Sanate-in a hung tarlang kha ka lo tiema, ka dam huoin kan hriet el. Lawm a um takzet. Hnam le tawng sukdamna lampuihai laia tha le pawimaw tak pakhat chuh mani tawng neia hrlina le puong suok theina Cable Network nei hi a nih. Hnam tawng suklar le sukhmasawna tha le remchang em em el a ni bakah pathien rawngbawlna tha tak le remchang tak a ni bawk. Pathien thu hril them tak tak haiin thu an hung hrla, mani Insung ngeiai ei lo ngaihlakin sawtpuina ding tam tak an hung intlung hlak bawk a nih. Tawng hi hnam damna a nih a, t awng hmangtu an um tanaw chun hnam chuh a thi, a borat tah, tina a nih. Hnam, tawng hran neia siemtu chu Pathien a na, chu chuh ngai pawimaw a sukhmasawm le sukhring tuma thang nasa taka latu chu pathien thuawi le inzatu indik takhai laia mi an nih.

Hieng thil thaw dinga Pu Isaac L. Sanate in nasa taka thang a lo lak hih a ropuin lawm a um em em takzet. Ei Pathien chun nasatakin mal sawm pei raw she. Damsawtna, hmuingilna tinreng le nau-le-te malsawmna n vur peei raw seh. Sum le pai tam tak sengna thil a ni leiin harsatna deu a lo um pal a ni khawma Hmar nauhai lai mi hause le neingung le thil thaw thei tak tak an tam ve annawm, chuonghai le inthuruola sukpuiting ngei dinga theitawp a hung suo pei hih nuom a um takzet. Ti ta ang chun sum seng nasat leia mani chauva sukpuiting theilo dam a lo ni pal hlauh ding a ni chun a thawpui thei ding awm ruol dang leh thang la pei sien nuom a um takzet. Hieng kawnga seng hlak hih a thlawna ral el ding a ni chuong der si nawh a, zo fel a hung nip ha chun

mipui tam takin hei la sup sup ei ta, lak man le thla tina fee hung lut haia inthawk chun seng popo chuh hmukir (recoup) a la hung ni tho tho ding a na, chu hnung peia khawm anni ta dinga sum hnar tha tak a la hung ni pei ding a ni bawk si. Mipui popo khawma mimal sundawngna ang mei meia lo ngai lova, hnam ro a nizie hreh a, theitawpa lo thangpui dan khawm zawng chit inla nuom a um.

Kei chuh ka nein aw hleha chu a hung puitling a ni phawt chun lawmman Rs. 500/- pek ngei chu ka tum tlat. Ka lawm em em ding a ni leiin. Unau hnam danghaiin an nei chita, ei ni n ei nei ve theinaw a lo ni chun inzakna chang hretu ding chun inzak leia meng ngam khawm a ni hiel ding amanih? Unau Paite hai lem chun hmun hnih hmun thum lai hielah an nei ta ni awmin an hril.

Unau hnam danghaiin Cable Network an neia, an tawng neia darkar tin deu thawha chanchin thar (local le ram dang) a thil tung puongna le ngaihlakna hun an nei thei bik dam hih inhnar a um hle an naw maw? Hienga mani tawng ngeia chanchin thar puongna le ngaihlakna hei nei thei hin chu inckhukai (students) le mipuihai ta ding khawma bengvarna thatak a ni bakah mani tawng sukhmasawna le suklar na ropui le tha tawp el a lo ni bawk si. Chuonga Cable Network (Hmar Channel) ngei ei hung nei pha chun, a sun a zanin Pathien hla mawi tak takle hnam hlahai ngaihlak ding thlasam tanaw mei nih a, time pass-na ding hlakin a tha el-awn awm bawk, ngakhla a va um ngei de. Mifel le thilthawthei tak take i tam ve hih. Chuonghai chuh to mei meia um lovin, thang la pui hai sien, infui sau sau lem raw hai she.

Awle, hi thil nei thei dinga chanchin ka lo hriet char chun dam huoin kan hrieta, a tak ngeia ei neia ei sawr thei pha lem chuh hnam thila nat rukna rieu neiha khawm dam vukin hung inhre ve ngei an ti le.

**KIC in cabinet expansion nei-sunzawmna**

President thar dinga thlangting Daniel Ganga kutah charge inhlanna neiin KIC Administrative Office chabi an hlan.

Zanita Cabinet expansion huna hin tribe tum tum 23 a mi lakkhawm a ni a, chuonghai chu : - Henkhopao Haokip, Vice-President, (Relief & Dev.), Thangjehel Singson Vice-President (Art & Culture), Lalvullien Hmar, Vice-President (Youth Affairs & Sports), Ashong Kom Vice-President (External Affairs), Ngamkhai Haokip, Secretary Finance Thanglen



Touhang, Secy. (Home & Judiciary), Thangneo Lungdim, Asstt. Secy. (Home & Judiciary), Thangbeng Hlungdim, Secy. (Relief & Development), Sothang Mate, Asstt. Secy. (Relief & Development), S. Pa-

& Sports), Lamkhopao Kipgen, Secretary (Art & Culture), Mangtinlal Haokip, Asstt. Secretary (Art & Culture), Thangboi Simte, Asstt. Secretary Henkholun Khongsai, Secretary (Legal Affairs) le Letjamang Haokip, Speaker bakah Home & Judiciary Board dingin Thangboi Baite, Chairman, Thanglen Touhang, Secretary, Letkam Haokip, Member, Mangtinlal Haokip, Member, Lamkhopao Kipgen, Member, Thangneo Lungdim, Member le Jampao Haokip, Member hai an nih.

**Inruithe Rs. 10 lakh manhu man**

**IMPHAL:** Imphal East Police team chun zanikhan Kshetrigao hmunah Spasomproxoyvon (SP) Rs. 10 lakh manhu ding zet dapdawkin pasal pakhat leh an man. Mana um pa hin SP mum hai hi Kshetrigao hmuna a hung thak a tum laia meka an lo man a nih.



**Zunin bawlzo thar hawng**



**CCPUR:** Young Vaiphei Association (YVA) Compound Veng Unit in an khawsunga Urinal Shed (Zun in) an bawl zo thar chu zani zingkar 7AM Khan Rev. Joseph Lalnunmawia in a hawng. Luaithang, President, YVA compound Veng Unit chun Zun in bawlna dinga khawsung mi inphal tak tak hai le a pawimaw dungzuia thawlawm petu Upa Kaikhokam a ni thu hrlin ama le a sung

hai chu entawntlak an ni thu a hril a. Upa Kaikhokam chu kum 1990 a inthawk YVA founder member nia, theitawpa sin lo thaw ta a ni thu; Urinal shed hi mipui vantlang ta a ni angin a enkawlna chu mipui kuta um a ni thu a hril. YVA Compound Veng Unit chun hi huna hin Zunin hawngtu Rev. Joseph Lalnunmawia le Upa Kaikhokam hai Vaiphei Kiangkoi pakhat ve ve an inhnal.

**MZP in Champhai district ah tiemchin umlo bandh**

**CHAMPHAI:** Champhai MZP Hqrts chun Champhai District Hospital-a thawktu sie belsei dinga ngennain zani zingkar inthawk khan Champhai district-ah tiemchin umlo bandh an thaw tan. Band lei hin Champhai le a se vel haia chun nundan pangngai nasatakin a sukbuoi a, Dawr le bazar hai khar vawng an ni a, Police le venghimna sinthawtu le bandh thawtu hai bak hmu ding an um naw a, bandh leia buoina lientham suok hriet a ninaw bawk.

MZP Hqrts chun Champhai District Hospital-a thawktu indainaw leia mipuiin harsatna an tuok leiin Surgeon, Paediatrician, jail doctor le Pharmacist pakhat seng bakah Medical Officer (MBBS) 2 hung sie belsei dingin February thla khan sawrkar kuomah ngenna an siem a, sienkhawm sawrkarin an thil ngen a ngaisaknaw leia zani zingkar dar 6a inthawka kha Champhai khawpui sunga tiemchin um lova Total bandh hi an thaw tan a nih.

**Chairman, ADC, Chandel le MDCs 13 han BJP an zawm**

**IMPHAL:** zani hmasa khan Lhukhosei Zou, Chairman, ADC, Chandel le MDCs 13 han BJP an zawm. MDC-hai hi Congress party a inthawka BJP zawm an nih. BJP zawm MDC-hai chu- Lhukhosei Zou, Chairman, ADC, Chandel; Th. Joy Lamkang, Vice Chairman, ADC, Chan-

**TV le digital media WJA hnuoia sie ding**

**NEW DELHI:** Electronic le Digital media journalist hai chu Working Journalists Act hnuoia sielut dingin sawrkar thlungpuiin hmalakna a fepei mek niin Union Labour and Employment Minister, Bandaru Dattatreya chun a hril. Zanita Kochi hmuna press conference huna Minister chun a hril niin, PM Modi sawrkarin electronic media journalist le inzawma hma a lak dan reporters haiin indawmna an siem huna a hril a nih. Hi le inzawmin a pawimaw dungzuin NDA sawrkarin Working Journalists Act chu amendment a thaw ding niin Minister chun a hril a, Newspaper le media industry dang dang hai khawm labour laws hmang ding le, Wageboard recommendations implement thaw dinga hmalak mek a ni thu a hril bawk.

ALL INDIA RADIO: CHURACHANDPUR PROGRAMME  
Date: April 19, 2017 (Nilaini)  
TRANSMISSION- FM-101.4 Megahertz

| Hours  | Studio/ | Programme  |
|--------|---------|--|
| 4.33pm | CR/P    | Signature  |
| 4.55pm |         | Vande Mataram, Time Reading, Opening Announcement Mangal Dhvani  |
| 5.00pm | P       | Hymns to God : (Thadou) Hoineilam Haokip (dev)   |
| 5.05pm | P       | Local Announcement/Prog. Summary   |
| 5.10pm | P       | Minor Dialect (Mizo): James Vanlalhluna & party (dev)  |
| 5.25pm | P       | Science Hints: (Thadou)  |
| 5.30pm | P       | PAITE Prog. Sig. Tune & Announcement<br>Announcer: Nernhauching<br>1) Hlunminthang Guite ( mod)<br>2) Lynda Biaklun & party (mod)  |
| 6.00pm | P       | HIMAR Prog., sig. Tune & Announcement<br>Announcer: Mary Laltharkim<br>1) Lalbieklien (mod)<br>2) Sangchung (mod)  |
| 7:00PM | P       | THADOU Prog., sig. Tune & Announcement<br>Announcer: Jamminlin<br>1) Lenjathang Haokip & party (trad)<br>2) Talk: "Youth & work culture today" by H. Doungel<br><br>Farm & Home: Thadou<br>1) Nernmeichong Kipgen (dev)<br>2) Talk: "Thingthem bohodia ki hinsona" by S.L. Jangkhohlam |

**Employment News**

**DENA BANK RECRUITMENT 2017**  
Dena Bank has recently published notification for the post for Manager (Security) Vacancies.  
**Vacancies :** 16 Manager (Security) Vacancies.  
**Job Location :** Mumbai  
**Late Date :** 6th May 2017  
**Educational Qualification :-** All Interested Candidates should have complete Graduate Degree Pass or it's equivalent qualification from a recognized Board/University  
**Age Limit :-** Minimum age require as 18 years and Maximum age 35 years as on 01-04-2017. For Age relaxation Check the official notification publish on their official website.  
**Application Fee :-** Application fees require to pay at the time of online form submission Or Demand draft for offline job application. For this job application you have to pay For General / OBC / Ex-s Candidates Application Fee is - 400/- & For All Other Candidates ( SC/ST/PWD) Application Fee is - Nil  
**Selection Procedure :-** After sorting the all candidate's application form interviewer panel will further Select candidate will be base on the Written Exam, Interview.  
**Pay Scale :-** Candidates can get salary Rs. 31705 - 45950/- per month.  
**Grade Pay :-** No  
**How To Apply :-** All Eligible job seekers Can Download application Form through official website <http://www.denabank.com> . After filling application form then attached all relevant documents and send it to the given address on or before 6th May 2017.  
**ADDRESS :-** General Manager (HRM), Dena Corporate Centre, 3rd floor, Plot-no C-10, "G" Block, Bandra Kurla Complex, Bandra (East), Mumbai-400051.  
• Dena Bank Recruitment 2017 Official Website : <http://www.denabank.com> . 2017  
XXXXXXXXXXXX

**PUNJAB NATIONAL BANK (PNB) RECRUITMENT 2017**  
Punjab National Bank (PNB) has recently published notification for the post of 45 Manager (Security) Vacancies.  
**Post Name:** Manager (Security)  
**No Of Post :-** 45  
**Job Location :** All Over India  
**Late Date :** 6th May 2017  
**Educational Qualification :-** All Interested Candidates should have complete Bachelor's degree or it's equivalent qualification from a recognized Board/University  
**Age Limit :-** Minimum age require as 21 years and Maximum age 35 years. For Age relaxation Check the official notification publish on their official website.  
**Application Fee :-** Application fees require to pay at the time of online form submission Or Demand draft for offline job application. For this job application you have to pay Rs. 300 for Gen /OBC Candidates and have to pay Rs. 50 for SC/ST/ candidates.  
**Selection Procedure :-** After sorting the all candidate's application form interviewer panel will further Select candidate will be base on the Interview.  
**Pay Scale :-** Candidates can get salary INR Rs. 31705 - 45950/-Per Month.  
**Grade Pay :-** No  
**How To Apply :-** All Eligible job seekers Can Download application Form through official website <http://www.pnbindia.in>. After Filling The application form, candidate must send hard copy of application along with relevant testimonials (Mentioned In Detailed Advertisement) to the following Address before or on 6th May 2017  
**ADDRESS :-** Chief Manager (Recruitment Section), HRM Division, Punjab National Bank, HO: 7, Bhikhaiji Cama Place, New Delhi-110607  
• PNB Recruitment 2017 Official Website : [www.pnbindia.in](http://www.pnbindia.in) .  
XXXXXXXXXXXX

**INDIAN ARMY RECRUITMENT**  
Indian Army has published an Employment notification for the post of 56 Short Service Commissioned Officer in Army Dental Corps. Apply before 15 May 2017.  
All interested candidates are require to check eligibility details for Recruitment such as Pay Scale, Education Qualification, apply and selection process. For more detail advertisement check the links given below.  
**No of Vacancies :-** 56 Posts.  
**Post Name :-** Short Service Commissioned Officer.  
**Job Location :-** All India.  
**Last Date :-** 15 May 2017.  
**Educational Qualification :-** All Interested Candidates should have completed BDS/MDS from a College/University recognized with 55% marks by the Dental Council of India (DCI).  
**Age Limit :-** Applicants Maximum age limit is 45 years (As on 31.12.2017).  
**Selection Process :-** Selection Will be Based on Interview & Medical Examination.  
**Application Fee :-** Candidates have to pay Rs. 200/- through Demand Draft in favour of "Director General Armed Forces Medical Services (APF Fund) / DGAFMS (APF Fund).  
**Pay Scale :-** Selected candidate can get salary Rs. 15600-39100/-  
**Grade Pay :-** Rs. 6100/-  
**How to Apply :-** All Eligible and Interested candidates may apply in prescribed application form along with self-attested copy of relevant documents, two passport size photograph, one self-addressed post card for 'Acknowledgement' & one self addressed envelope of size 23 cms x 10 cms with Rs 40/- postal stamps affixed & Demand Draft send to Director General Armed Forces Medical Services (DGAFMS/DENTAL-2), Room No 25, L-Block, Ministry of Defence, New Delhi - 110001 on or before 15.05.2017..  
Indian Army Recruitment 2017 Official Website : <http://www.indianarmy.nic.in>.

**DoPT in thudiklo a ni thu a hril**

**NEW DELHI:** Sawrkar thawktu hai chu nitin zing dar 9 a inthawk zan dar 7 chen office kai le sin thaw dinga inhrrietir le Irinni chawl ni hlak chu suktawp/bo ni anga thu thedar a ni a. Hi le inzawma DoPT hin hrlifiena a siem a ni a, hi le inzawm hin thusuok iengkhawm sawrkarin a siemna bakah sawrkarin tumna khawm a neinaw thu Central sawrkar hnuoia DoPT chun a hril.

LAKTAWI

Kum 4 liemta sun-  
gin IAS officer 19 le  
IPS officer 5 man

NEW DELHI: Kum 4 liemta (2014-March, 2017) sung khan India ramah IAS Officers 19 le IPS Officers 5 hai chu thil indiklo thawna a inrawlna neia intum leini man ni ta thu Union Minister Jitendra Singh chun tulai hnai khan Lok Sabha an hriettr.

IAS Officer mana um hai laia 3 hai chu Rajasthan cadre an ni a, Uttar Pradesh, West Bengal, Odisha, Bihar le Union Territories cadres pahni 2, Gujarat, Assam, Chhattisgarh, Haryana, Maharashtra le Telangana haia inthawk pakhat seng an nih.

IPS Officer mana um hai chu- Tripura, Gujarat, Madhya Pradesh, Rajasthan le Tamil Nadu haia inthawk pakhat seng an nih.

J&K ah sipai pakhat  
kap hlum

JAMMU: Jammu and Kashmir-a Poonch district-a chun Pakistan sipai han Line of Control (LoC) ah silai an hung kap leini Indian Army sipai pakhatin thina a tuok. Hi thil hi zani hmasa zana kha tung a ni a, Pakistan sipai hai hin sniper hmagin LoC-a Mendhar sector an hung kap huna India sipai hi kap hlum a nih. India sipai hai khawma an kaplet ve leini nasa takin an inkaptuo a nih.

Assam National  
Park-ah sapeltu 2  
kaphlum

GUWAHATI: Orang National Park-ah zanikhan forest guard haiin sapeltu mi 2 an kaphlum a, an kuta inthawk 303 rifle, a mu 10 le hreipui an man. Hieng sapelut hai hi Samak kap tuma park sunga lut niin Assam's Principal Chief Conservator of Forests (Wildlife), Bikash Brahma chun a hri.

Inkaphlumna chu zingkar inhmat dar 1:00 AM vela tung a na, silai puok ri an hriet leini inrang takin Forest guard hai chu silai inrikna hmum tieng an pan nghal a. Sapeltu haiin an lo kap a, forest guard haiin inpe dingin wavi tam tak an khekhum hnung khawma an thilthaw an chawlsan chuong naw leia kaphlum an nih.

Orang National Park chu Brahmaputra vadung kama um a na, a lien zang chu 78.81 square km. niin, a sunga chun Samak 100 neka tam an um a nih. Kaphlumna um hai chu tu hai an hrietchieng an la ni nawh.

Sashikala a um zing chun  
AIADMK pakhat um khawm  
nawk a remtinaw ding thu  
Panneerselvam in a hriil



CHENNAI: Fam tah Ms J.Jayalitha party AIADMK faction pahni hai chun Panneerselvam faction pawl hai leh pakhata in-sungkhawm nawk dan ding ngaituoin zani hmasa zan sawthnung khan state electricity minister P. Thangamani chengnainah inbiékna an nei a, chu huna chun O.Panneerselvam faction le inthurool taka umkhawm nawk dan ding an hriitlang niin ei thu dawngna chun a hriil.

Hieng laizing hin Chief Minister hlui O. Panneerselvam chun, jail-a intang mek V.K. Sasikala chu party insungkhawmna ding a sung hai chu AIADMK a inthawk hnawtdawk dingin a phut.

AIADMK (Puratchi Thalaivi Amma) leader chun, MGR le Amma han family rule hi an dit ngainaw a, hi lei hin Sasikala le a sung hai AIADMK a inthawk hnawtdawk an ni hma chun an thil phut hi an tawpsan naw ding thu a hriil.

Mr Panneerselvam chun Chief Minister hlui Ms Jayalitha thi dan suisui dinga a phutna chu a la fepui zing thu hriilin, CBI in an suisui theina dinga ngenna chu an fepui pei ding thu a hriil bawk.

Maoist han pafa an kap hlum

MEDININAGAR: Maoist helpawl mi 20 chuong vel chu zani hmasa zan sawthnung khan Bihar-a Aurangabad district le ramri Palamu district-a Koulhua village-ah an va lut a, pasal kum 50 mi Shivanth Yadav le a naupa Guddu Yadav (25) hai chu an chengna ina inthawk thuoisuokin an kaphlum niin Sub-Divisional Police Officer

Myanmar Water festival-ah mi 285 velin thina an tuok

YANGON: Myanmar-a chun April 13, 2017 a inthawk April 16, 2017 inkar ni 4 sung traditional Thingyan water festival an nei sunga sietna dang dang tung leini mi 285 in thina an tuok bakah midang 1,073 in hliemna an tuok niin media report chun a hriil a. Nikum nekin tukuma water festival a thi hi mi 13 in an tamlem niin ei thu dawngna chun a hriil a. Festival sunga thil dang dang tung le inzawmin tuolthatna, car eksiden, drugs, rukrukna, dan loa ralthuom kawlna le pawl le pawl inbeituona criminal cases 1,200 registered a ni bawk tiin Xinhua news

agency report chun a hriil. Water Festival sunga thina tuok hai laia 10 hai chu Nay Pyi Taw hmuna thi an ni a, Yangon-ah 44, Mandalay-ah 36, Sagaing region-ah 26, Taninthary region-ah 11, Bago region-ah 37, Magway region-ah

Visa form thai suol leini naute terrorist-  
ngaiin interview dingin Embassy a ko

LONDON: US-a Florida-a Orlando hmuna a Villa-a chawl hmang dinga a sung-hai le inzin tum Factory neitu Paul Kenyon (62) chun US inzinna dinga Electronic System for Travel Authorisation (ESTA) Visa form-ah a tupa t awng khawm la tawng thei lo Harvey Kenyon-Cain form-ah thail lo ding a thail (tick) pal leini naute tawng theilo hi terrorist sawnin UK-a US Embassy hmaa inlang dinga ko a nih.

Mr Paul Kenyon hin ESTA form-ah "Do you seek to engage in or have you ever engaged in terrorist activities, espionage, sabotage, or genocide?" tiah "no" ti thail dingah "yes" ti a thail (tick) pal leia buoina hi a tuok pha a nih. Mr Kenyon chun, form-ah hin a thail suol a nih ti a visa hnawl a ni hma hin chu a hriet naw takzet thu le, suksuol pal lieu lieu (gen-

US NSA in PM le Ajit Doval hai an hmupui

NEW DELHI: Zanikhan New Delhi hmuna US National Security Adviser HR McMaster le Prime Minister Narendra Modi hai darkar 2 sung an inhma a, inbiékna an nei huna chun, South Asia region ngirhmun le US le India inlaichinna thu hai hriitlangna an nei. Inbiékna chu PM chengna In-a nei a na, Indian NSA Ajit Doval, Foreign Secretary S Jaishankar le sawrkar mi pawimaw iemanizat inbiékna a chun an thang ve.

Zani zingkar tieng deu khan Indian NSA Ajit Doval le US NSA McMaster hai inbiékna an nei a, security thur bika US le India hai inlaichinna thu hriitlangna an nei.

US NSA chu Pakistan Prime Minister Nawaz Sharif le Pakistan sawrkar mi pawimaw hai inbiékpuina a nei zo, zani zantienga Pakistan a inthawka New Delhi hung tung a nih. McMaster le Nawaz Sharif haiin inbiékna an nei huna chun, India le Pakistan hai inkar thu khawm hriilna an

Vijay Mallya an man;baila insuo nawk

LONDON: Indian Liquor baron Vijay Mallya chu India sawrkar ngenna angina zanikhan Scotland Yard pawlin London khawpuiah an man.

Kum 61-a upa Vijay Mallya hi defunct a lo um tah King Fisher Airlines neitu a ni a, India rama bank hran hran haiah Rs. 9,000 cores chuong loan a lak hai a thungkir naw leia March 2, 2016 a kha India ram suoksana London khawpuia inbi-

India mihai hmang rawn  
tak visa programme Aus-  
tralia in a suktawp

MELBOURNE: India mi tam takin an hmang tangkai, Australia hmuna hun sawtnawte sunga sinthaw theina 457 visa chu suktawp a ni thu Australian Prime Minister, Malcolm Turnbull in zanikhan a puong a, chu thil chun mi tam tak a sukbuoi pha hle ding a nih. 457 visa suktawpna chu mithiem le a tlin tak tak hai chaw Australia rama sinthaw dinga sawr an ni theina dinga suktawp nia hriil a nih.

Turnbull chun Australia mihai a ramsunga sinthawna kawnga a hmasataka sie an ni theina dinga visa chu suktawp niin a hriil a. Rampuotiang mihai ta dinga sinthaw dinga inhawng lai hai khawm Australia mihaiin thaw thei tang an ta, inthakdanglamna um chun Australia mihai ngirhmun suksangin, sinthawna kawnga khawm a dawmsang hle ding niin Turnbull in facebook hmanga post a siemna a chun a hriil.

Australia sawrkarin 457 visa a siem chu Australia ramsunga thienna nei (skill person) hai an laklaw changa ramdang mihai lo ruoi vat theina dinga siem niin, 457 secondary visa hmangin sinthawtu haiin an sung le kuohai Australia-ah an thui thei bawk a nih. Hi visa hi a awlsam leini,

ine mistake) official han an zuk pawm nuomaw el khawm chu mak a ti thu a hriil. United states inzin num international travellers hai chun Visa Waiver programme hnuoiah ESTA form hi an apply ngei a tul a nih.



el huop ta dinga thil ti-um a la hung ni ding thu uor takin an hriil a. Terrorism dona kawnga chun India le US hai chu inpumkhat that an ni thung.

Tuta hi United States President Donald Trump in President mawphurna a chela inthawk a rorelna hnuoia a milien haiin India an hung sirna hmasatak a la nih. US NSA McMaster chu India a cham sungin External Affairs Minister Sushma Swaraj khawm inhmupuiina nei a ta, chu huna chun US hmuna India ram mi haiin harsatna an tuok hlak thu hai hriitlangna an nei dinga ring a nih.

PM Modi le a team haiin Pakistan sawrkarin terrorist hai a thlawpna chu India chau nilovin, khawv-



India ram tienga hung thawnkir dingin UK High Commission kuomah ngenna a lo pek ta a nih. Loan a lak hai a rul theinaw lei hin Enforcement Directorate chun wavi tam tak inlang dingin an ko ta a, sienkhawm wawikhawm a lan lang naw a nih.

CBI court chun January thla khan Mallya hi Rs 720-crore IDBI case-ah non-bailable arrest warrant a lo insuo khum ta a nih.

India mihai hmang rawn  
tak visa programme Aus-  
tralia in a suktawp

thiemna nei raklo dam laklut hlak an na, chuleiin Australia ramin a hlutna a chan pha niin Turnbull chun a hriil. Temporary visa thar Australia sawrkar chun an duong a, chu hnuoia chun sinthaw theina khawm a hung tlawm lem ta ding a nih. Visa thar chu kum 2 annawleh kum 4 sunga ding chun ni tang a ta, chu visa hmuna dingin kum 2 sung 'work experience' nei a tul ta bawk ding a nih. Visa hmuna dingin criminal case nei le neinaw enfelning an ta, English tawng khawm a bazar tawng ringawt nilovin, duthusama thiem tul tang a thil.

Amiruoqchu, tuta 457 visa hmanga Australia hmuna um mek hai chu hi dan thar hin ngawng ve nawng a ta, an sinthaw ding dungzuia an um hun sung ding po iengkhawm buoina um lovin la um zing thei an thil. Australia Prime Minister in thupuong a siem hi India a inthawka a kir nawk, a nikhat ni chara a puong a nih. India hmuna a hung inzin tum khan, India le Australia haiin security, terrorism, education, energy le kawng hran hran haia thang tung dan lampui ngaituoin an nei a, agreement khawm 6 zet an signed nghe nghe a nih.

Hi visa hi a awlsam leini, tin le pawl tum tum hai chu khawvel suksietna dang theitu ni dinga an meichawkhai thautui burkhuma sukchawk zuol dinga infauna a nei. "Korean Peninsula hmuna remna le ralmu-ongna a um theina dingin, parties tum tum haiin hmalkna theina nei a pawimaw a. Inbiékna neini inremna a siem thei a, chu chu China in a pawm dan a nih. China chun Korean Peninsula ngirhmun le inzawmin 'peace talks' nei dingin hmalkna a nei mek bawk" tiin Lu Kang chun a hriil.

US in nuclear le missile ensin ta lo dinga N. Korea vau;  
US le thangtlang dingin China an pei zing

WASHINGTON/BEIJING: United State Vice President Mike Pence chun North Korea chu nuclear le missile ensinna nei ta lo dingin vauna a pek. Pence chu tuhin Japan a cham mek a na, North Korea ram ta dinga US zangai theina hun chu a tawp ta thu a hriil bawk. Liemtah Pathienni a North Korea in missile ensinna a neia a hlawsam zo char, darkar khat hnung vel khan Pence chu Seoul a tung nghal a. Chu hnuga Japan rama fe nawkin, North Korea ram hmalkna chu uluk taka enfena nei mek niin Pence chun a hriil.


Kim In Ryong, North Korea's deputy representative to the United Nations chun Washington chu nuclear indona ieng huna khawm suksuok theitu niin an tum ve. North Korea a Pyongyang hmuna inthawk an headquarter in rem a ti hun hunah nuclear ralthuom ensinna chu iengtiklai khawma nei thei zing ngirhmunna um niin Ryong chun a hriil bawk. North Korea Vice Foreign Minister Han Song-Ryol khawmin missile ensinna chu chawlikar tin, thlatin le kumtina nei rawp hlak ding a ni thu a hriil ve. Tulaia North Korea hmalkna chun khawvel a dengsuok a, mi lung a thawng hle bawk a nih. US in North Korea in nuclear le missile ralthuom hai chelek a tumna theitawpa dang a tum mek bawk a, US le North Korea rambung inkara khawm natak taka inthawng tuona a um zing bawk. United States le South Korea hai chu inrem takin hmalkna an nei thang thei a. Pence le South Korea President Hwang Kyo-ahn hai chun, China rambung a lo insiekieng a ni khawmin, South Korea sipai hai chu U.S. THAAD missile-defense system hmuna venghimna sinthawtu dinga an hma tienga thawn lut dingin inremna an nei tah. Chuong lai zing chun, United States in North Korea vauna a neina le inzawmin, China khawmin US chau nilovin, a tu pawl khawm Korean Peninsula a "denuclearisation" le lungmuongna a um theina dinga a thlawp ding thu zanikhan a puong ve. China chun Korean Peninsula ngirhmun chun lung a thawng hle a, mitin ngaiwen a ni thu a hriil a. Chu le inzawmin, mi-

IN LE A HMUN ZAWR

Rengkai khawsungah In le a hmun zawr a nih. A dit le an chaw nuomhai chun Contact No. 9615802455 ah ngaiven ding a nih. Sum mamaw vat a ni leini a dit le inchaw nuomhai chun ngaiven vat ding a nih. A man chu inbiék dan izir ning a tih. A hung hmasa sa a chang ding an ni el.

MV AZAD KUOMA LAWMTHU HRIILNA

Pile natna ka nei leini ka tawlah thil inbawk a hung um a, kan hnawm pha thisen a suok hlak. Ni 3/4 dam inhnawm tha thei lovin ka um a, hi zo hin ka ek, kel ek angin ngar takin a hung inhriil hlak. A chang lem chun an bawkna lai kha a hung inhnai a, tuorzo lo ding hiel khawpin a na hlak. Ka beidawngin MV Azad Phusam ka pan a, a mi enkawl a, tuhin chu ka hung tam tah. A pan ve nuom hai ta dingin zingkar 8 AM - 4PM inkar Teddim Road, Old Bazar-a Lamka ICI Church Road-ah pan thei le contact Nos. 8014025567/ 7628890261 haiin inbiékpu thei a nih. MV Azad Phusam chungah hin ka lawm hle a, hi Chanchinbu hmang hin lawmthu ka hung hriil.



Lawmthu hriil,  
Sd/- T. Paul  
Tuibong, CCPur

Khawvela dama la um hai  
laia upa tak Jamaica mi  
Violet Brown



DUANVALE: Khawvela hring le dama la um hai laia upa taka ngai a ni thu a hriil a, a document dungzui hin Violet Brown hi March 10, 1900 a pieng a ni a, sienkhawm Guinness World Records chun official takin khawvela mihriem dama la um hai laia upa takin a ni thu a puong nawh. Robert Young hin Ms Brown hi inhmupuiin a pieng hun laia Jamaica awptu British authorities han an pek birth certificates hai enfelna a nei ta a nih.

Ms Brown hin enkawltu mi pahni a nei a, a hun tamlem a naupa tuta kum 90 mi nitah chengnainah hun a hmang a, ama khatin a lan thung thei bakah hmun hla rak lo chu ama khatin a la fe thei. A damsawtna chu Pathien pek a ni thu hriilin ka hun tamlem Biekin-ah ka hmang a, hlasak inhawi ka ti a, ka chintea inthawk Biekin-a hin hun tamlem ka lo hmang ta a nih tiin a hriil. (AP)

Gerontology Research group-a supercentenarian research and database division director Robert Young chun, a birth documentation a inthawk khawvela

Taliban spokesman lo ni  
hlak an pe: Pak. Army



ISLAMABAD: Tehreek-e-Taliban Pakistan (TTP) spokesman lo ni hlak le Taliban terrorist splinter Jamaat-ul-Ahrar terror group leader Ehsanullah Ehsan chu tulai hnai khan Pakistan security thunei-tuhai kutah an pe ta niin Pakistan Army -a Military spokesman Major General Asif Ghafoor chun zanikhan a puong.

Ehsan hi kum 2014-a military operation 'Zarb-e-Azb' zoa Islamic State le inzawmna nei Jamaat-ul-Ahrar zawm a nih. Hmelma lientak pakhat Ehsan sawrkar thuneitu hai kuta a hung inpek hi Pakistan ta ding chun hlawtlingna ropui takel a nih tiin Major General Ghafoor chun a hriil. TTP-a inthawk an suok hnung khan Ehsan hi Jamaat-ul-Ahrar ah spokesman sin a chel a, kha huna khan TTP commanders le fighters 70-80 velin an ni pawl hi an zawm thu a hriil. (PTI)

J&K le Islamabad khawpui  
haiah simkhawlei an hning

SRINAGAR/ISLAMABAD: Zani zingkar 10:41AM khan Jammu and Kashmir-a Kishtwar hmuna magnitude 5.0 a hratin simkhawlei an hning a, mipui hai chu thihawngin insunga inthawk tuolah an tlandawk tawl sup sup a, thi le hliemna tuok an um thu hriet a ni nawh. Simkhawlei hnung inhning tanna hi Afghanistan-a Hindu Kush region hn-uoiung km. 180 a inthawk niin US Geological Survey report chun a hriil. Pakistan-a Islamabad le Lahore khawpui le a sevel haia khawm zani zingkar inhmat khawm magnitude 5.5 a hratin simkhawlei an hning a, mipui hai chu thihawngin insunga inthawk tuolah an tlandawk tawl a, an Holy Quran a chang(verses) inziek hai an insam tawl zak el nia hriil a nih. Amiruoqchu, hi simkhawlei inhning leia thi le hliemna tuok an um thu hriet a ni nawh.

## Prince Harry Thurhilin Khawvêl Deng Suok

LONDON: Prince Harry chun a nu Lady Diana car accident-a a thi leia a lungril sâwl taluo leia lungril tieng hrisêlna (mental health) enkawlina dingin counselling thawin treatment a thaw ti a hril chun khawvêl a deng suok a, kawng tamtakah positive impact a nei niin Sir Simon Wessely, Royal College of Psychiatrists-a President chun *The Guardian* a hril.

“Keini hai angin manga kan mang phâk ang chauh, kam dampsung khawma kan thaw phâk naw ding, khawvêl mipui nuoi tel hai kuomah thu pawimawtak Prince Harry hin a hril a nih” tiin, Harry-in interview-a lungrila natna enkawl a t ul zie a hrlina lein khawvêl mihriem tamtak a hrlivara, an kuom a tlung phâk niin a hril.

Mental Health thiem hai khawmin Harry thuhiril pawimaw zie, abikin pasalhai ta dinga a pawimaw zie an hril. Asan chu nuhmei nêkin pasal hin lungril natna leia treatment thaw hi an rin lem lein. December 2016 chenah khan, UK ah lungrila natna lein nuhmei nêkin pasal mâni inthah a let thumin an tam lem niin an hril.

Abikin Prince William hi Mental Health tieng a ngai pawimaw a. Lungril hrisêl tak a ni lein mi tin lungri hrisêl tak um hai sien a nuom a. A sanga Harry khawm an fui a nih. Lungril ngui le chauh, sâwl le thlaphang hlak, ngaituona thunun harsa tihai thanguina dingin ni kum a inthawk khan Lady Gaga thangin *Heads Together* campaign an tan a nih.

Guild of Health Writers hai le hun an hmang tum khawmin, “Ni dang chu mental health, lungrila buoina hi hrisler



(taboo) a ni hlak. Ei hril rawn po leh a tha lem a nih. Hringnuna hung tlung ang peia i hmasuon thei naw chun i tla hnuoi pei tina a nih. Mi hlâwtling le mi hrât hai chun an tuor mei mei ngai nawh. Ei rengin lungrila tuor hun chu ei nei sêng. Tlawmte chawin ei hril dawklak ti thu chaw a nih” tiin a hril a nih. Lungril natna damdawi tha tak chu hril dawklak a nih tiin a hril a nih.

“Heads Together” thiltum chu mihai intawngtira, an lungrila natna inhrilitir a nih. Lungril sâwlina chu ei hril rawn poleh a zanga, thanguipui le mi thanguina hni khawm a awlsam pha hlak. Tulai khawvêl ah khawm, lungrila natna hril suok nêka up bo tumna hin lungrila sâwl natna a suklam harsa pha harsatna le thina chen an tluon pha lem a nih” tiin a hril bawklak.

Abikin nuhmei nau nei zo hin mental health problem (depression) an nei nuom a. A nu Diana khawm kha depression nei ve hlak, lungrila sâwlina tamtak nei leia a

hringnun chen khawm buoi le harsatna tuok niin psychiatrist Sir Simon chun a hril. Diana khawm, William a pieng khan kum 20 mi a nih. Charles le an inthe hnunga BBC interview a hril dan chun, nau nei zo khan post-natal depression a nei ve a. Hei hrlipui ding mi a nei naw leia to tawka a tuor hlak khan a natna a sukzuol niin a hril a nih.

“Tukhawmin an mi hril naw a, lekhabua ka tiem a t ul a. Chu khawm chu harsatna chi khat a hung ni nâwk a. Zingkar khuma inthawk hei tho ei pei nawh a. Min an mi hrietthiem naw anga inngaina ei nei a. Mani le mâni kha ei inngai hnuoi rawng rawng el a nih. Lal sungkuoa khaan kei chaw lungrila natna neia hriet ka la nih a, hril dan le thaw dan an hriet naw khawm ning a tih. Lungril sâwl le buoi anga an mi hrietna kha harsatna belsatu a nih.

“Nu tamtak an nau nei hmasatknâa an tuok deu seng, taksa natna le lungril sâwlina ka nei kha, keia khat chaw tuora suklam ka tum kha a lo ni nawh. Ka tuor muolsuo thei ding chu ka hriet a, mi han hun le hmun mi pein an mi la nghâk kha ka tul ti chaw a nih. Lungril sâwl le taksa kham leia ka tap suok lei chaw khan mi haiin “Diana chu a lungril a buoia a det naw” an mi tina ding ka siem niin ka hriet” tiin Diana chun Martin Bashir kuomah a hril a nih.

Taksa el khelah lungrila hrisêlna hi an ngai pawimaw lein Britain lal sungkuo hai hi charity an thang rawn em em a, organization sang tel an support a nih. William khawm an sungin naupang hai lungrila hrisêlna tieng thanguipui charity Place2Be an support a. Nuhaian nau an enkawlina dinga thil tha tamtak an pek hlak a nih.

## Heidi Klum Le Vito Schnabel Costa Rica ah

LOS ANGELES: Kum 40 a chuong hnung khawma model nai tak le hlawting-talna la ni tung peia a piengzie ngala la chuoi lo, nau pali zet a nei taa chu nunghâk ang thova lan pholang thei Heidi Klum (43) chun a bielpa thartak, ama nêka kum 13 laia naupang Vito Schnabel leh châwl hman-gin Costa Rica an inzin a. Pathienni khan Paradise ah châwl hmanga an insukhlum lai, inngai taka an infâwp lai chenin hmu a nih.

Mita hmutu hril dan chun, Heidi le Vito in kiss dan hi inngai narân el le insukhlum nuoma celebrity danghai ang mei mei an ni nawh a, an mita inthawk le an chetzie ah hmangaina inthuktak uma inlaichinna a nih, tiin an hril.

Heidi chu zakuohnuoi (bikini) dum vawng hâkin, puon dumin an hruk deu zing baw a. Nisa lum taluo vengna dingin tamit dum leh, a bielpa Vito leh thung puma hun inhawi tak an hmang zo hnungin tuifintriet kam vela insukdei dinga a hei lêng dawklak chu a vunhai chun a kum tlawmin suklam ta sien khawm, a figure ruok chu a la nal hle ti a suklam a nih.

A sam eng thal inkhai thla hnapiin a hmai a hlie met a, sunglass dum inbiel chêng kawklak bunin a hmela khawm titakna le takinningna ni dang nêkin an lang cheng tah. Hidei le Vito hi an ruolpa pakhatin a hung fin ve a, tum a na ti ruok chu hriet an nawh. Phaiphin lai zalin nilum awiin an hâdam a, a lo thliruthai mit khawm a hâdam hle.

## Meghan Markle-in Châwl A Lâk Tum

TORONTO: Prince Harry bielnu Meghan Markle, tuta Canada, Toronto a um mek le a film “Suits” final episode chang mek chun May 15-22 cheng khi châwl lak a tum nia hriet a nih. Ms Meghan-in châwl a lak hun sung hi a bielpa Prince Harry leh Pippa Middleton, Kate Middleton sangnu hai inneinaa a thang ve theina dinga a lak niin E! News chun a hril.

Prince Harry u William nuhmei Kate Middleton sangnu Pippa Middleton chu James Matthews leh May 20 khin, kumzabi 12-na laia bawl, St Mark’s Church, Berkshire, Bucklebury a inthawka mel ruk laia hla, Pippa seilienna khuo ah an innei ding a nih. Hi an Inneina dinga hin Prince Harry leh an thang ve theina dinga châwl hi lak niin *Hello* magazine khawmin a hril. Hienglai zing hin Pippa le James hai chun dan an siem a, an inneinaa thang thei ding an felhai chu kawppui nei chauh ding ti a nih. Chu chu “no ring, no bring” an th a. Nuhmei

## Nadal: Nomawi 10-na dingin

Rafael Nadal chun tuta kar sunga inkhel dinga um Monte Carlo-ah hin a wavi 10na dingin champion nawk a tum thu a hril. Clay court tournament-ah hin world number 1 Andy Murray le hi hmuna wavi hni zet lo champion tah Novak Djokovic khawm inlang ngei dinga beisei an nih.

Kum 2003 khaan, kha hun laia rawlthar ditumtak Albert Costa chu hi Monte Carlo-ah hin Nadal in lo hneta-in, Grand Slam wavi 14 zet champion tah Nadal-in world number 10 kai thei chin player a hne hmasaktum a ni nghe nghe a nih. Nadal hi, hi hmuna hin wavi kuo zet lo champion thei infiemmi suong-umtak a nih.

| 14TH HMAR MARTYRS TROPHY 2017                       |                           |
|---|---------------------------|
| FIXTURE: April 19, 2017                             |                           |
| 13:00   | Zoheisa FC Vs Zawbuk FC   |
| 14:30   | L.S.C Vs Neishiel Veng YC |
| RESULT: APRIL 18, 2017                              |                           |
| Faction FC 1-2 Teksiepu FC                          |                           |
| Kanglei FC 1-2 ABC Saidan                           |                           |
| UEFA CHAMPIONS LEAGUE                               |                           |
| (Thursday Morning)                                  |                           |
| 00:15 Barcelona Vs Juventus (Aggregate 0 – 3)       |                           |
| 00:15 Monaco Vs Borussia Dortmund (Aggregate 3 – 2) |                           |

## Brad Pitt-in Film Thar A Chang Ding

LOS ANGELES: Hollywood actor lai chu pa pawl tak nisiz ze ngui le titak zet el, a nuhmei Angelina Jolie leh an inthe leia zo bur iemani chen ruola nei, tulai hnai lungker tieng thaw nawka hun hmang mek Brad Pitt chu hmêl ngui deua khawlai a hung lêng suok lai hmu a nih. A Zakuo var le Jean pawl le taksa rawng savun pheikhawklak thi chun, tamit dum leh a hnerhmul intuot pharin a chêr metin an lang a, a lungrila sâwlina a la bo chie naw deuh niin an lang.

Chêr meta an langna chu thil dang ieng lei khawm ni lovin film thar an siemna ding le inzawma a character le inhme dinga lo insukcher (weight loss) a nih lem a. Kum 53 a nina angin a hmêl khawm a upa met tah bawklak lein a film thar chang ding leh an hme tawk char ding a nih.

Brad Pitt a film thar ding hi ama’n a produce “The Lost City of Z” director James Gray direct ding, science fiction “Ad Astra” ti a nih a, July a inthawkin shooting tan ning a tih. A film-a hin Brad Pitt chu thluok (lungrila) tieng harsatna leia mi le inbiel harsa tia kut zaizir le changzie a mi bie hlak engineering, a naupang laia a pain planet



pakhat Neptune ah hringna dang (extra-terrestrial life) a um le um naw zawng dinga a maksan. A hung lien hnungin a pa zawng dinga ama khawm Solar System, planet pakuohai umna laia an zinna thu a nih.

A film hi, Brad Pitt-in a ruolpa James lekhabu a thawn a, chu lekhabu chu James-in movie dingin a ziek suok a an siem tah a nih. Collider.com-in Brad Pitt a thang ding le ding naw James an dawn a, “Aw, ni e. An dik. Ka phurin ka thla a phang ang reng bawklak. Science fiction film

## Binky Felstead Nau Nei Têp Bikini Leh

LOS ANGELES: Kum 26-a upa, “Made In Chelsea” star Binky Felstead chun incheina thumhnaw chi hran hran a collection The Style promote-na le inzawmin, a bielpa Josh “JP” Peterson le an nau hmasatak ding a pai lai lim an pholag a. A nau pai inlha tak chawklak tawmte chauh um tah a nia chu zakuohnuoi (bikini) dum, a bra hma laia rose par um par sar le kekawrte a sira khitna hruoi um a hâka, inrai laia hak ding chi rênga a design ni awm takin an hme hle.

Instagram a 1.2 million followers a fans hai kuomah share-in “The dreamiest bikini. From my @inthestyleuk range of course which launch on Wednesday! I think you are going to like it... I designed it before bubba of course but I can still wear some of the glorious pieces!” (Ka nau pai hmaa ka design, In The Style UK collection-a mi, nal in ti ve ngei ka ring) tiin a ziek, babymoon an hmangna Mauritius a inthawkin a post.

Binky le JP hin an nau nei tawm hun hâdam taka hmang tum in inzin a. An thlalâk dang dang khawm a post teu a. An naulak Goddaughter



a phing chungah thunga an inhnêl lai lim dam a post a. A thumhnaw design hran hranhai a pholangna a nih deu tak.

Indian Ocean tieng thlira a ngir lai lim post-in, “Hringnuna thil chinhai hi ngaisang an um a nih, thil lientak siemsuoktu le hnuhma lientak maksantu an ni hlak lein” tiin a ziek a. A naute chu thil chite la ni sienkhawm a lungril le hringnuna lientak a nizie a hril a nih. Inrai laia jubi (coconut) tu dawn a tha tiin coconut tu a dawn lai lim le nauipahai fak ding thil a iemani zat a hril bawklak.

## 14th STATE LEVEL HMAR MARTYR'S TROPHY 2017:

Teksiepu FC chu Knockout an kai chieng a, Athletic Brothers' Club le Faction Fc hai Knockout an la kai thei lai Kanglei FC ruok chu an tla fel tah

State Level Hmar Martyrs' Trophy inkhel fe mekah zani (19th April) khan Pool C-a mihai a vavihnina seng dingin an inkhel a, Team pakhat knockout a kai chieng a, team pakhat a tla fel bawklak. Inkhel hmasaah Teksiepu FC le Faction FC an inkhel a, Teksiepu hin 2-1 in an hne. Teksiepu ta dinga goal thuntuai chu Johnson(28') le Zom PC(46') hai an nih. Faction FC ta dingin Thanga chun minute 8 naah goal a thun bawklak. TFC hai hi inkhel hmasaah an lo hrat ta lein point paruk an nei a, knockout an kai tah. Faction FC ruok chu draw vavikhat le lost vavikhat an nei a, point pakhat chaw an la nei.

Inkhel pahinaah Kanglei FC le Athletic Brothers' Club an inkhel a, ABC

## WOMEN'S FA CUP: Man. City Women Team (City) chun Liverpool Women Team(Liverpool) hnein Final an kai

Manchester City chun thla 9 sunga trophy panga an lak beiseina chu a la thuong pei. Thawtanni zan khan Women's FA Cup Semi Final-ah Liverpool 1-0 a hnein Final an inpetkai. Hi Final hi an vavikhat kaina a nih. Melissa Lawley chun City hratna goal hi a thun a nih. Anni hi Finalah Birmingham City leh May 13 khin Wembley stadium-ah inkhel an thil.

City hai hi tuhin The Women's Super

## Football fans karah buoina suok lein Emanuel Balbo in thina tuok

BUENOS AIRES: Liemtah inrinni zana Argentina rama football fans hai karah insukbuoina tlung leia thungnaa inthawka namthlaka um Emanuel Balbo chu hliemna tuor zo loin muol alo liem tah. Hi thil hi Cordoba khawpui, Belgrano khelmuolah a veng mi ve ve an inkhel tuma tlung a nih. Emanuel hin kum 2012 laia a unaupa thina chungma mi pakhat a ring hla lein an selpuia, chu inselna hung sosang peiin mi iemani zatin Emanuel hi feet 17a insang anthawk a namthlak lein tuokstet hi a tuok a nih.

Kum 22 chaw upa



hai 2-1 in an hrat lem. ABC ta dinga goal thuntu chu Joseph(24' & 37') a nih a. Kanglei FC ta dingin Max chun goal khat a thun bawklak. Kanglei FC hi inkhel vavihniah an hrat naw ve ve lein an tla fel der ta a. ABC ruok chu draw pakhat le win pakhat an nei lein knockout kai thei an la nih. Inkhel tawpna

| Pool C Complete Standing |             |    |        |
|--------------------------|-------------|----|--------|
| Pos.                     | Team        | Pl | GD Pts |
| 1                        | Teksiepu FC | 2  | +3 6   |
| 2                        | ABC         | 2  | +1 4   |
| 3                        | Faction FC  | 2  | -1 1   |
| 4                        | Kanglei FC  | 2  | -3 0   |

League le Continental Cup champion lai mke an ni a. Champions League Semi Final an kai ta bawklak a, April thla khin Spring Series tan nawk an thil.




Emanuel hi a lua hai hliemna nasatak tuokin hospital panpui ngal a nia, sien khawm a thluok a tawklak lein doctor haiin an san thei ta naw a nih. Argentina Football Association chun thina sungkuo hai hi a tuorpui hle a, kuthlaktu hai mandawklak ngei dingin thusuok a siem ngal bawklak. Hi thusuok le inzawmin police hai chun suizuina thaw ngalhin, ringhlaa um mi pali an manta bawklak a nih. Hieng ang thil hi a vavikhatna chaw a nita naw a, Argentina rama hin kum 2013 chena khan mi 40in thina anlo tuokta a nih.

## ENGLISH PREMIER LEAGUE :

## Arsenal chun Sanchez le Ozil goal khat ve ve hmangin Middlesbrough an hne lein Champions League kai an beiseina a la de hram hram

English Premier League Thawtanni zan inkhel pakhat a um a. Middlesbrough chun Arsenal an lo mikhuol a. Minute 42 naah Arsenal ta dingin Alexis Sanchez chun goal hmasa a thun a. Chu goal chu Middlesbrough chun minute 50 naah Alvaro Negredo hmangin an rukkir a. Hun tawp chenah 1-1 a inang tawklak anga ngai a ni hnung minute 71 naah Ozil chun goal pawimaw em em le hratina goal a hung thun a, Arsenal chu 2-1 in an hrat lem ta a nih.

Arsenal hin inkhel an thunun a, hrat lem khawm an phu ti thei a nih. Ball possession khawm 64% tawp an nei phak a nih. Tuhin Arsenal hi Manchester United hnuoi charah parukna an ni mek a, hma



tieng pasari la um lai an thaw tha chun palina chen kai theina remchang an la nei hram hram tina a nih. Middlesbrough ruok chu relegation zone-ah an intang mek.

Arsene Wenger chun kar hmasaka Crystal Palace laka 0-3 an tlawm lem tuma player-hai kha mi paruk a thlang a, 3-4-3

## Chelsea Captain John Terry chun season tawpah Chelsea suoksan a tum

Hun sawt tak Chelsea Captain nina a chel hnungin John Terry chun season tawpah Chelsea a suoksan ta ding niin ama le Club chun an puong. Kum 36-a upa England International hlui hin Chelsea ta dingin wavi 700 chuong a lo inkhel ta a, Chelsea Captain-a ding chun a hlawting pawl ti thei a ni bawklak. Chelsea thusuok chun, ‘John hin kum 20 chuong sin ropui tak ta a mi lo thawpui a, Chelsea uniform a hak ringawt khawm hi intithepui khawp a tling a nih,’ tiin a puong hiel a nih.

Terry hi Chelsea ta dinga inkhel rawn tak pathum lai a thang phak ve a, ama Captain nina hnuoih wavi 578 an inkhel a, goal khawm wavi 66 tawp a thun a nih. English Premier



League defender goal thun rawn tak a ni bawklak. Terry chun, ‘Kum 22 sung Chelsea-ah ka um a, hril ding le lawmthu hril ding chu hril seng an nawh. Hi Football Club ropui taka hieng chen ka um thei hi ka lawm hle. Coach, Team-mate le Staff dang danghai bakah a mitantuhai po po chungah lawmthu ka hril mawl mawl a nih,’ tiin a hril.

Chubakah, ‘Ka lo suoksan a ni khawma Chelsea mi le sa la ni zing tho ka ta, iengtiklai khawm ka lunggrilab bo naw nih,’ tiin a hrisla bawklak. Ama hin Club-a ding chun a hun tha po po Chelsea ta dingin an hlan tawp a nih. Hi hnunga Club dang a zawm ding le ding naw ruok chu a hnungah la ngaituo a ni ding thu a hril.